



SAT
Andalucía

CUT
Aragón

CSI
Asturies

LAB
Euskal Herria

Intersindical Canaria
Canarias

CUT
Galiza

Intersindical Catalana | COS Països Catalans | IAC Catalunya
| Intersindical Valenciana

En lo aniversario d'a FSM reivindicamos una Palestina libre pa un mundo en paz con chusticia

Huei, 3 d'octubre fa lo 79 aniversario d'o naiximiento d'a Federación Sindical Mundial en París. En un periodo de posguerra a FSM naixió como expresión unitaria d'o movimiento sindical de clase, que reivindicaba un mundo en paz, a igualdat de dreitos entre hombres y mullers, lo dreito d'autodeterminación d'os pueblos y a consecución d'a chusticia social.

Fa cuasi un anyo que a declaración de guerra total contra Gaza d'o primer ministro israelí Benjamín Netanyahu, metió a Palestina atra vegada en a primera plana de l'achenda mediatica. Cuan somos plegando al cabodanyo d'a empecipiadura d'o chenocidio y dimpués de más de 40.000 personas asesinadas, la desferra total de la franja de Gaza y la continua escalada d'a violencia en Cisjordania, lo pueblo palestino, con a más gran dignidat posible, no rebla debant d'a barbarie sionista.

A Federación Sindical Mundial ha estau chunto a los dreitos nacionals de Palestina dende siempre, estando la sola federación sindical internacional que ha emparau incondicionalment a suya causa. Lo sindicalismo de contrapoder que representa la FSM, dibuixa una linia temporal de 79 anyos de luita por a chusticia social, a igualdat entre hombres y mullers, la sostenibilitat d'o planeta y lo dreito d'auto-determinación d'os pueblos.

A maquinaria sanguinaria sionista, que cuenta con a total impunidat atorgada por Washington y Bruselas, no atura en su empenyo d'esborrar del mapa a Palestina y ixemena a guerra a los países d'a rechión, menazando o mundo con una guerra global. O zagüero d'os eixjemplos lo trobamos en a recient ofensiva en o Líbano, la cual ha causau cientos de personas asasinadas y miles de personas nafradas.

Os pueblos d'o mundo denunciemos constantement iste chenocidio y a estratechia belica d'o estau d'Israel, manimenos a mayoría d'os gobiernos d'occidente no ascuitan o que le reclama o suyo pueblo en as carreras.

Por ixo huei, 3 de octubre del 2024, cabodanyo d'o naiximiento d'a FSM, a Coordinadora d'os pueblos devanta a suya voz y le decimos a la comunidat internacional que no somos dispuestos a aceptar ni normalizar lo chenocidio y que le cale actuar urchentement pa ubrir un proceso de resolución y dialogo que meta en o centro os dreitos nacionals de Palestina, y a rematadura d'a ocupación y colonización sionista.

Os sindicatos d'ista coordinadora creyemos en una paz con chusticia y nos oposamos a istas guerras que espullan os recursos d'os pueblos dica fer-los desapareixer. Por ixo femos una clamadura a lo movimiento sindical internacional pa activar un movimiento plural y amplo que se oponga a las guerras, a la violación d'os dreitos humans, y a lo chenocidio en Palestina y en otros tantos puestos d'o planeta, pa desembolicar entre toz y todas unas nuevas relacions internacionals que metan en o centro los dreitos de toz os pueblos y todas as personas. Ye hora d'actuar y salir d'as nuestras zonas de confort dinantes que siga masiau tarde.

Coordinadora de los pueblos de la Federación Sindical Mundial; CSI Asturias, CUT Aragón, CUT Galiza, IAC Catalunya, Intersindical Canaria, Intersindical Catalana, Intersindical Valenciana, LAB Euskal Herria, SAT Andalucía, COS Països Catalans Catalunya, twitter.com/@@Peoples_WFTU